

Намрар тәрә тәрлгъиг агротехническ

сән чинртәгъяр бӯрдәлгън ӯдгә цагин

эркк чинртә тәр

Ода келж йовх селәнә эдла-хун кәдлмш заагт намрар тәрә тәрлгън бас нег берк чинртә кәдлмш. Тус йилгъл, ганъ иктә мана Халъмг танъгъч болхла, намрар тәрлгдг тәрән онц чинртә болдг, юнъгад гихлә, намрар тәрлгдсн тәрән, намрин болн ӯвл цагин чингяр идәлгләд, зуни халун болхас урд ургъад, батрад, хагсу ганъгас аәхш.

Тегәд чигн мана танъгъчин буудән культурин цуг тәрәнә 56 процентнъ намрар тәрлгдг культур болна. Эн джилд танъгъчин кесг колхозмуд болн совхозмуд, нег улу Яшалтинск болн Западн райондин эдла-ахус намрин тәрәг агротехническ сән чинртәгъяр тәрәнә ашд темдгтә сән ургъц ургъадж авцхав.

383-ч номертә совхоз намрар 445 гектар газрт тәрлгдсн цагъан буудән гектар болгънәс 160-д пуд буудә авб. „Им йилгъән ик ургъц—агротехническ заавр-зокал арднъ ордж кӯцәснә ашд авгдсми. Эн, хар пар газрин агъуд чингинъ бәрлдж, тәрәнд саалтлгдг ӯвснә унъгинъ таслхин эркд кесг дакдж самнгдсми“—гидж совхозин ах агроном ӯр А. Ж. Батуев бичджәнә.

Яшалтинск района „Новый мир“ гидг колхозин колхозникуд кесг зун гектар намрин тәрәнәс 170—180-д пуд буудә авцхав.

Тегәд, намрин тәрәнд, цевр, сәәнәр белдгдсн хар пар газрин илчнъ дегд ик. Партийн, советск органсин, селәнә эдла-хун гардачирин, нег улу агрономсин эрки тәрнъ—хагълчксн пар газран лакн нег хәләдж-шиндждж, тәрх ӯдр кӯртлән сәәнәр киндж белдгън болджана.

Болв танъгъчин зәрм райондар пар белдлгънд сән онъг ода бийнъ тәвгләд уга. Садовск МТС-н гардврт ордж колхозмудар нам нег дакдж чигн самнгдал уга, ӯвсәр эзлгдсн газр бәәнә. „Прудовый“ болн „Западный“ совхозмудар дакад Целинн района „Родина“ гидг колхозд пар хәләдж асрлгън сәәнәр кегдджәхш.

Танъгъчин колхозмудар болн совхозмудар намрин тәрә тәрхин тәлә 79 минъгъ гар гектар газр хагългдх зәвтә. Ода деерән хагългдснъ болхла—56 минъгън 500 гектар газр. Намрин тәрәнд газр бел-

длгъяр нег улу му йовхнъ—Троицк, Сладковск МТС-д, „Ергенинский“, Сухотинский“, „Западный“ болн нань чигн совхозмуд. Эн районин болн эдла-ахусин гардачир мел ӯбрхн цагин эргид газр белдлгънә кәдлмшиг хурдиднъ орулдж, намрин тәрәнд агротехническ сән белдвр тетгх зәвтә.

Намрин тәрәнд сән чинртә, ӯдм ургъц ӯдгә буудән эк белдлгън—бас агротехническ эрки чинртә тәр болдми. Ода колхоз болн совхоз болгънар намрин тәрәнә эки буудә цевр-рлгдәл, чинринъ хәләгдәд, эмәр хорлгдәд, бел кегдх зәвтә. Намрар тәрлгдг „Одесск—3“ гидг тохмтә буудә—мана газрт ирлгдж, ик ургъц ӯдгә эки гидж авгдсми. Тер учрар эдла-ахусин гардачир, тус йилгъл эднә агрономс намрин тәрәнә газрин агъуган цугтагъинъ эс болхла, нургълдж эн, „Одесск—3“ гидг буудән экәр тәрх эв-аргъ хәәх зәвтә.

Танъгъчин кесг район эн буудән экиг райсемхозас авх зәвтә. Болв Приютненск, Целинн болн Сарпинск районин колхозмуд сән буудән эки уга бәәгъә бәәдж, авх зәвтә „Одесск—3“ гидг буудән экән зәбддж авад уга. КПСС-н райкомс, районин кӯдәгч комитетс намрин тәрәнд кергтә тоотиг гартан авч, мел колхоз болн совхоз болгънар ӯзмдجتә сән белдвр тетгх эв-аргъинъ хәәх зәвтә.

Намрин тәрәнд сән газр, тохмтә буудән эк белддж, намрин тәрәнә цуг кәдлмшиг агротехническ сән чинртәгъяр келгън—ирх джилд буудән ик ургъц авх улнъ болджана.

Намрин тәрә тәрх цаг ирчкв. Эн ик гидг даалгъврта цаг болдг. Медрлтә, агрономическ гардвр, агротехническ заавр-зокал арднъ ордж кӯцәлгън—ик ашта, чинртә болхми.

Колхозмудин, совхозмудин эклц партийн организцсин эрки тәрнъ—тодрха партийн бӯрдәмджин кәдлмш ӯргнәр делгрӯлдж олиг намрин тәрә агротехническ сән чинртәгъяр кӯцәлгънд агслгън болджана.

Комплекси бригадсар, колхоз болн совхоз болгънар тодрха дӯрлә делгрӯлдж, намрин тәрә тәрлгънә зурагъан сән чинртәгъяр кӯцәдж, Алдр Октябрин 40-ч ӯбниг нертә кевәр тосий!